



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ՄՐՑԱԿՑՈՒԹՅԱՆ ՊԱՇՏՊԱՆՈՒԹՅԱՆ ՀԱՆՁՆԱԺՈՂՎԻ
ԳԼԽԱՎՈՐ ՔԱՐՏՈՒՂԱՐ

Հայաստանի Հանրապետություն, 0010, ք. Երևան, Տիգրան Մեծի 4, հեռ.՝ (+374 60) 830 – 840, (+374 60) 830 850
Էլ-փոստ՝ info@competition.am, վեբ կայք՝ <http://www.competition.am>

«06» 03 2024թ.
No 002419

«ԱԼՖԱԲԵԹ» ՍԱՀՄԱՆԱՓԱԿ
ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ ՏՆՕՐԵՆ
ՊԱՐՈՆ ԳՈՒՐԳԵՆ ՄԻՍԱԿՅԱՆԻՆ
(հասցե՝ ք. Երևան, Ա. Խաչատրյան փ. / 6,
էլ. փոստի հասցե՝ gurgen.misakyan@mail.ru)

Հարգելի՛ պարոն Միսակյան,

Մրցակցության պաշտպանության հանձնաժողովը (այսուհետ նաև՝ **Հանձնաժողով**) 2024 թվականի մարտի 5-ին ընդունել է ««Ալֆաբեթ» սահմանափակ պատասխանատվությամբ ընկերության նկատմամբ պատասխանատվության միջոց կիրառելու մասին» թիվ 92-Ա որոշումը (այսուհետ նաև՝ **թիվ 92-Ա որոշում**), որի 2-րդ կետով «Ալֆաբեթ» սահմանափակ պատասխանատվությամբ ընկերության (այսուհետ նաև՝ **Ընկերություն**) նկատմամբ նշանակվել է 931 000 (ինը հարյուր երեսունմեկ հազար) ՀՀ դրամի չափով տուգանք:

Ընկերությանը թիվ 92-Ա որոշման 3-րդ կետով հանձնարարվել է.

1) մեկամսյա ժամկետում շտկել Օրենքի խախտումը՝ դադարեցնել ««FETICA» պանիր, Ֆետա հունական» ապրանքի իրացումը, այդ թվում՝ այլ տնտեսավարող սուբյեկտների միջոցով դրանք իրացնելու դեպքում գրավոր հետ կանչել.

2) սույն կետի 1-ին ենթակետով տրված հանձնարարությունը կատարելուց հետո երեք աշխատանքային օրվա ընթացքում տեղեկացնել Հանձնաժողովին:

Միաժամանակ տեղեկացնում ենք, որ.

1. Թիվ 92-Ա որոշմամբ նշանակված տուգանքը ենթակա է վճարման Հանձնաժողովի 900005024147 հաշվեհամարին:

2. Հանձնաժողովի որոշմամբ նշանակված տուգանքի 75 տոկոսը որոշման ուժի մեջ մտնելուց հետո՝ երկամսյա ժամկետում, վճարելու դեպքում տուգանքի վճարման պարտականությունը համարվում է պատշաճ կատարված:

3. Թիվ 92-Ա որոշման 2-րդ կետը դրանով նշանակված տուգանքը մինչև թիվ 92-Ա որոշման անբողոքարկելի դառնալը չվճարվելու դեպքում ենթակա է հարկադիր կատարման՝ «Դատական ակտերի հարկադիր կատարման մասին» օրենքով սահմանված կարգով:

4. Թիվ 92-Ա որոշման 3-րդ կետի 1-ին ենթակետով տրված հանձնարարությունը սահմանված ժամկետում կամովին չկատարվելու դեպքում ենթակա է հարկադիր կատարման՝ «Դատական ակտերի հարկադիր կատարման մասին» օրենքով սահմանված կարգով, ինչպես նաև հանձնարարությունները սահմանված ժամկետում չկատարելու համար օրենքով նախատեսված է պատասխանատվություն: Մասնավորապես, «Տնտեսական մրցակցության պաշտպանության մասին» օրենքի 93-րդ հոդվածի 12-րդ մասի համաձայն՝ տնտեսավարող սուբյեկտի կողմից Հանձնաժողովի որոշմամբ ամրագրված խախտումները սահմանված ժամկետում չդադարեցվելու կամ չչտվելու կամ որոշմամբ նախատեսված պայմանները, պարտավորությունները կամ հանձնարարությունները սահմանված ժամկետում չկատարվելու համար նշանակվող տուգանքի չափը կազմում է մինչև հինգ միլիոն դրամ: Ընդ որում, թիվ 92-Ա որոշման բողոքարկումը չի կասեցնում դրանով տրված հանձնարարությունների կատարումը կամ դրանց կատարման ժամկետը:

5. Հանձնաժողով փաստաթղթեր ներկայացնել և ստանալ, ինչպես նաև Հանձնաժողովի հետ հետագա ողջ հաղորդակցությունը կարող եք իրականացնել նաև առցանց՝ Հանձնաժողովի e-Compete էլեկտրոնային համակարգի (այսուհետ նաև՝ **Համակարգ**) միջոցով, որի համար անհրաժեշտ է գրանցվել Համակարգում՝ մուտք գործելով Հանձնաժողովի պաշտոնական կայքի (www.competition.am) «Իմ էջը» բաժին, ընտրելով «Գրանցվել» հրամանը և լրացնելով անձի նույնականացման համար պահանջվող տվյալները:

Կից ուղարկվում է թիվ 92-Ա որոշման պատճենը:

Առդիր՝ «15» թերթ:

ՀԱՐԳԱՆՔՈՎ՝



ԱՇՈՏ ՎԱՀԱՆՅԱՆ

Կարարող՝ Դիանա Մինասյան
Անբարեխիղճ մրցակցության վերահսկողության վարչություն
Հեռ. (+374 60) 830-840 (236)